

**CASONAN DI
TUBERCULOSIS DEN KIA
NO TA MENASA PA SALUD
PUBLICO**



WWW.SOLODIPUEBLO.COM



SOLODIPUEBLO@GMAIL.COM

MINISTERIO PUBLICO TA ACUSA DOS AGENTE POLICIAL COMO COMPLICE DI HOMICIDIO DEN E TIROTEO MORTAL NA MADIKI KAVEL

AVP-FUTURO A ENTREGA AEROPUERTO NA SCHIPHOL: DIRECTOR DI EXTERIOR CU SALARIO NA DOLLARS



DOS DAMA HULANDES TA HAYA PROBLEMA DEN LAMA UNDA CU UNO TA FAYECE



**MINISTER
WEVER MESTER
INDICA UNDA E
TA PARA PA CU
SCREENING DI
SR. DE MEZA**



**AVISO
DIABIerna**

11 di April 2025

**HBK Noord lo ta sera despues di 2or
pa publico**

DIALUNA

14 di April 2025

**HBK Noord lo ta sera pa publico parti
mainta**



CASONAN DI TUBERCULOSIS DEN KIA NO TA MENASA PA SALUD PUBLICO



- 11.04.2025. No ta un situacion inusual cu casonan di Tuberculosis (TB) ta keda registra den Aruba su Centro Coreccional (KIA), esaki ta un situacion cu Departamento di

Salud Publico den colaboracion cu Dokter di KIA y Dokter di Pulmon ta atende cu ne debidamente.

Pa duna informacion riba locual ta e casonan di Tuberculosis cu

recientemente a sali publica den medio di comunicacion, DVG ta informa cu e casonan tur ta conoci pa seccion di Malesanan Infeccioso di DVG y tur ta bou supervision y tratamiento den colaboracion cu KIA. Den cuadro di guia y tratamiento pa cu malesanan infeccioso, den e caso aki Tuberculosis DVG ta provee tratamiento segun protocol pa tur persona.

Tuberculosis ta un malesa bacterial no hopi infeccioso conoci mundialmente. Pa un persona keda infecta cu Tuberculosis e mester tin contacto di cerca (close contact) pa un periodo largo cu un persona cu tin Tuberculosis activo,

cu otro palabra un persona cu ta presenta sintoma.

Sintomanan di Tuberculosis ta:

- Tosamento persistente cu of sin slijm
- Sodamento anochi
- Perdida di peso
- Perdida di apetit
- Cansancio
- Keintura
- Dificultad pa hala rosea

Pa mas informacion like nos Facebook page Directie Volksgezondheid DVG Aruba, Follow nos riba Instagram directie_volksgezondheid_aruba, subi nos website www.dvg.aw, yama nos na 5224200 of mail nos na servicio@dvg.aw

DEN CONEXION CU LUNA CONTRA ABUSO DI MUCHA FRACCION DI MEP A BISHITA BUREAU SOSTENEMI



Den cuadro di luna contra abuso di mucha, Parlametario Evelyn Wever-Croes hunto cu Parlamentarionan Shailiny Tromp-Lee y Endy Croes a bishita Bureau Sostenemi. Abuso di mucha por ta de diferente forma manera abuso verbal, físico, sexual pero tambe negligencia cu ta algo cu ta pasa hopi na Aruba.

Parlamentario Wever-Croes a splica cu na Bureau Sostenemi ta unda

e yamadan ta drenta pa cu abuso di mucha, y manera e yamada drenta ta cuminsa cu un investigacion pa wak ki paso mester wordo tuma. Bureau Sostenemi ta un departamento di gobierno, cu pa tur e yamadan cu ta drenta, no tin suficiente personal.

Durante e reunion nan a trece dilanti nan preocupacionnan y specialmente nan retonan, di cual fraccion di MEP ta



compromete pa yudanan desde Parlamanto. Parlamentario Wever-Croes a expresa cu pa su persona e tabata hopi bunita pa scucha di nan, con durante e social crisis plan nan a sinti cu nan a haya e sosten real di gobierno, mirando cu nan a haya mas trahadonan social e tempo ey. Nan deseo ta pa tin e sosten di mas trahadonan social awor.

Mirando cu Gabinete Wever-Croes a traha espacio financiero, lo ta bon pa enfoca pa duna un instituto manera Bureau Sostenemi e fondo necesario pa asina por haya e personal cu nan mester. Abuso di mucha ta un tema cu nos tur como ciudadano mester percursa pa limita y elimina paso nos muchanan ta wak nos como esunnan cu mester protehenan y duna nan e cariño y amor cu nan

merece.

Parlamentario Wever-Croes a indica cu e reunion tabata uno hopi informativo cu desde di Parlamento den e comicion di asuntonan social lo sigui traha pa asina institutonan manera Bureau Sostenemi wordo fortifica y pa nan tin mas fondo pa asina nan por haci nan trabou di un miho manera y yuda nos pa limita y preveni abuso di mucha.

POLIS A BAY E EXTRA MILE PA RESCATA DOS VICTIMA CU PROBLEMA DEN LAMA

MACUARIMA, ARUBA: Diahuebs atardi despues di 6'or Central di Polis ta wordo notifica cu lo tin turistanan cu problema den lama na Arashi. Di biaha Ta despacha Unidad di Polis como tambe ambulance na e sitio di e sucedido.

Na yegada di e prome Unidad di Polis, e agente policial ta observa cu tin un grupo den lama ta hisando man y ta gritando pa yudansa. Sin duda agente policial a bay di biaha den accion y a drenta lama pa por bay brinda yudansa na e victima cu tabata tin mester di Polis.

Ta trata di un grupo di turista nacionalidad hulandes. A bay lama y tabata snorkel y na dado momento un di nan a bira

malo y no ta reacciona. Ta trata di un señora hulandes. E agente encuestacion ta cuminsa na trece e señora canto y na mitar caminda ta topa cu un rubberboot di un compania local y nan na nan turno ta yuda pone e victima den e boto hunto cu e Polis pa trece canto.

E agente a keda duna e victima e prome auxilio (CPR) te ora nan a yega tera pa e prome unidad di ambulance presenta y a sigi cu e re-animacion.

Un rato despues ta avisa Polis cu tin un otro persona den lama cu tambe tin problema den lama y tampoco no ta reaccionando. E señora aki tambe lo ta hunto cu e famia di e victima cu a wordo hiba canto. Un biaha mas esnan riba e

rubberboot ta duna un man y ta yuda na busca y trece e otro señora.

A pidi pa mas unidad di ambulance pa presenta y pa duna re-animacion pa e di dos victima. Despues di trabou duro ta bin logra haya polso y asina stabilsa e di dos victima y transporte cu maximo urgencia pa hospital.

Lamentablemente no por a haci nada mas pa e prome victima. Dokter forensico a presenta na e sitio y ta constata morto di e señora di 53 aña naci na hulanda. Cuerpo Policial ta manda palabra di condolencia na famia di e fayecido.

Na e sitio tambe a presenta departamento di slachtofferhulp pa brinda guia y yudansa na famia



di e fayecido como tambe e otro victima. Loke nos di Cuerpo Policial a haya como ultimo informe ta cu e señora ta den cuido intensivo.

Cuerpo policial ta gradici y ta orguyoso di e agente polis cu a sa di bay un extra mile pa por a yuda dos victima. Su curashi y balentia ta trese cune cu nos di Cuerpo Policial

Aruba ta agradecido. Esaki ta un di e tareanan cu nos di KPA ta haci lo maximo esfuerso di guia nos agentenan pa brinda e mihor servicio tanto na nos comunidad pero tambe nos bishitantenan. Masha danki pa bo esfuerso y nos ta sigur cu nos comunidad ta orguyoso di mira nos agentenan bay e extra mile den nan carrera policial.

MINISTERIO PUBLICO TA ACUSS DOS AGENTE POLICIAL COMO COMPLICE DI HOMICIDIO DEN E TIROTEO MORTAL NA MADIKI KAVEL

Den mainta di 9 di februari 2025 un tiroteo a tuma lugar, den cual e homber hoben A.C. Lanoy (19 aña) a wordo alcanza pa un bala di polis y a bin na fayece. Esaki a hiba na gran emocion y dolor cerca su famia y den comunidad di Aruba den su totalidad.

Anteriormente Ministerio Publico a publica dos relato di prensa tocante e incidente lamentabel aki.

Na interes di e investigacion, e unico cu por a bisa e tempo ey tabata cu ambos agente policial involvi den e incidente di tiramento, ta wordo considera como sospechoso.

Mientrastanto e avancen den e investigacion ta haci posibel cu Ministerio Publico por duna mas transparencia.

A scucha testigonan. A analisa imagennan y tambe a scucha e sospechosonan (e agentenan policial) varios biaha.

Ademas ta haciendo investigacion tecnico.

Debi na e complejidad di e investigacion tecnico a pidi NFI (Nederlands Forensisch Instituut, Instituto Forensico di Hulanda) pa realis'e.

E evidencia cu mester wordo investiga a wordo traslada mientrastanto pa Hulanda y poni den man di NFI. E investigacion tecnico a muestra te awor cu a los binti tiro, di cualnan un a alcanza e

victima y a resulta inmediatamente mortal.

Considerando e resultadonan inicial di e investigacion tecnico y e interrogacionnan adicional di e sospechosonan, Ministerio Publico a dicidi pa persigui e dos agentenan policial.

E dos agentenan policial lo wordo cita pa responsabilisa nan mes dilanti hues.

Nan lo wordo acusa primariamente di ta complice di homicidio.

Prome cu Ministerio Publico a saca e publicacion aki, e contenido di e comunicado di prensa aki a wordo comparti cu famia di e fayecido y cu abogadonan di e sospechosonan.

MINISTER WYATT-RAS TA SIGUI CU SU BISHITA DI ORIENTACION DEN E SECTOR SOCIAL



Minister di Salud Publico, Asunto Social, Cuido di Adulto Mayor y Cuido di Adicto, minister drs. Mervin Wyatt-Ras a cuminsa cu un bishita oficial na e oficina principal di Departamento

di Asunto Social (DAS) situa na Lagoen Weg, cu ta den su fase final di renobacion.

Durante e bishita, Minister Wyatt-Ras a haya un presentacion detaya di e



trahadonan cu ta traha den e “tweede lijn” y ta esnan cu ta atende casonan cu ta yega cerca nan via di scol, otro instancia social y hasta dokter di cas. Como un ex-trahado social na DAS, Minister Wyatt-Ras conoce e rol crucial, cu e segundo linea di cuido tin den atencion integral pa esnan den necesidad den nos comunidad.

E segundo linea ta un pilar esencial den e structura social. E ta e portal pa esnan cu ta lucha cu reto educacional, financiero cu ta culmina den stress y psicosocial. E trahadonan di DAS ta traha cu pasion y hopi creatividad, a pesar di e limitacion di fondo y e complehidad di e casonan cu nan ta enfrenta. E recorrido a sigui na e filial di DAS na

San Nicolas, actualmente situa den e edificio di ex-Centro Medico dr. Rudy Engelbrecht, cu segun plan lo bay Savaneta, na altura di La Granja, pa un facilidad mas espacioso, central y accesibel.

Durante e bishita a subraya cu e sinergia entre e “prome linea” y “segundo linea” ta fundamental pa un atencion social eficaz. E casonan cu ta dreña cu peticion pa bijstand, asistencia psicosocial of cu necesidad di orientacion specialisa, ta canalisa eficazmente pa haya atencion integral den colaboracion cu instancianan manera GGZ y otro entidad social.

Minister Wyatt-Ras a subraya cu e maneho social di e gobierno AVP-Futuro ta enfoca riba creacion di un sistema cu ta conecta

tur instancia relevante den cuido y bienestar.


Locual ta hopi cerca den Minister Wyatt-Ras su curason ta e atencion pa e gruponan vulnerabel, particularmente muchanan special entre e edad di 0 te 16 aña, cu hopi biaha no ta haya sosten suficiente. E muchanan mester proteccion, y e mayornan mester haya mas espacio pa cuida nan yiu cu necesidad special.

Gobierno ta comprometi pa sigui traha riba un sistema social fuerte, inclusivo y orienta riba bienestar humano. A traves di compromiso firme y colaboracion estrecho, lo por logra un Aruba mas solidario pa tur ciudadano, sin laga ningun hende atras.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



AHATA: PROYECCION PA OCUPACION AVERAHE NA 2025 A BAH




11 April 2025: Aruba Hotel & Tourism Association (AHATA) ta acumula e cifranan di ocupacion y prijs di hotelnan tur luna y Presidente & CEO di AHATA, Tisa LaSorte, ta anuncia cu enfasis riba balor a sigui na Maart 2025. E cantidad di camber a crece na 2025 cu apertura di 2 hotel di calidad halto, y aunque cu grado di ocupacion a baha un tiki por a logra un RevPAR mas halto.

“Mester nota si cu a cuminsa experiencia menos demanda pa resto di aña, relaciona cu e situacion geo-politico actual”, Sra.


LaSorte a avisa. Dos luna pasa hotelnan a proyecta cu pa aña 2025 lo tin ocupacion averahe di 81%. Un luna pasa e proyeccion a baha pa 78% y awor ela bolbe baha cu 2 punto pa 76%. Mitar di e hotelnan a raporta cu e cantidad di reservacion pa segundo mitad di aña a mengua compara cu aña pasa. Mientrastanto, na Maart e ocupacion averahe tabata 86% y e entrada averahe pa tur camber disponibel (RevPAR) tabata \$397, cual ta 3% mas halto cu na 2024. Un RevPAR mas halto ta cubri gastonan cu a crece ultimo tempo y ta resultado di enfoke riba balor y servicio.

Hotel miembro di AHATA: Amsterdam Manor Beach Resort, Aruba Ocean Villas, Barceló Aruba, Boardwalk Boutique Hotel, Bucuti & Tara Beach Resort, Courtyard by Marriott, Divi & Tamarijn All-Inclusive, Eagle Aruba Resort, Embassy Suites by Hilton Aruba, Holiday Inn Resort Aruba, Hyatt Regency Aruba, Hyatt Place Aruba Airport, Manchebo Beach Resort, Marriott Aruba & Stellaris Casino, Ocean Z Hotel, Paradera Park, Privada Stays, Radisson Blu Aruba, Rehoboth Peaceland Boutique Hotel, Renaissance Wind Creek Aruba Resort, The

AHATA Occupancy Yearly Overview



AHATA Revenue Per Available Room



Ritz-Carlton Aruba, RIU Palace Aruba, RIU Palace Antillas, The St. Regis Aruba, Talk of the Town Hotel, y TRYP by Wyndham Hotel.

Timeshare miembro di AHATA: Divi Aruba Phoenix, Divi Dutch Village, Divi Village Golf, La Cabana, Marriott Ocean Club,

Marriott Surf Club, The Mill Resort.

Vacation Rental miembro di AHATA: Aramis Real Estate, Casiola Aruba, Cobalt Blue Residences, Turibana Plaza, Santa Lucia Landhuis, Russo Real Estate.

Clasificados

SOLODIPUEBLO@GMAIL.COM
CEL. 585 9500

Parlamentario Rocco Tjon:

MINISTER WEVER MESTER INDICA UNDA E TA PARA PA CU SCREENING DI SR. DE MEZA



Den medionan di comunicacion nos a tuma nota di atakenan frontal contra di DIMP como organisacion, contea e directora y tambe e profesionalnan cu ta forma parti di e organisacion. E atakenan aki ta bin di sr. de Meza, su simpatizantenan, pero tambe di parti di candidato y parlamentarionan di partido AVP.

Minister Wever ta sostene DIMP

Riba e pagina social di Minister Wever nos por a tuma nota cu ayera el a publica cu su persona den rol di Minister a reuni cu e directora di DIMP. Na final di e reunion el a indica claramente cu e ta considera DIMP un organisacion profesional cu empleadonan publico capas y determina pa eherce nan trabou cu honor y consenshi, manera debe ser. Minister Wever a lag'e ta duidelijk cu e ta confia plenamente den DIMP su profesionalismo!

Minister Wever cu otro pensamento cu partido AVP?


E publicacion aki mas cu claro ta hiba nos na e conclusion cu

Minister Wever en berdad no ta di acuerdo cu su partner den coalicion y nan acusacionnan contra DIMP. Sinembargo, ningun momento partido Futuro, pues ni Minister Geoffrey Wever y tampoco Minister Gerlien Croes a sali y defende DIMP. Pues, pa aclarea e asunto awe nos a manda preguntanan adicional na Minister Wever pa loke ta trata e asunto grave aki di ataca un organisacion y nos profesionalnan di e forma cu AVP a bin ta haci.

5 pregunta adicional

E preguntanan adicional ta referi na e post di Minister Wever. Nos a puntr'e directamente si e ta distancia su mes di e atakenan y ponencianan di sr. de Meza, parlamentarionan di partido AVP y otro candidato y sostenedornan di AVP. Alabes nos a puntr'e si e mes ta confia den e trabou di DIMP unda cu ta trata di un proceso di screening integro, caminda tur persona ta haci nan trabou manera ley ta indica.

Nos ta spera di por ricibi e



Geoffrey Wever
19h · 🌐

Prome reunion cu director di Departamento di Impuesto (DIMP), Sra. Luenne Gomez-Pieters

Minister Geoffrey Wever a realiza su prome reunion formal cu Sra. Luenne Gomez-Pieters, director di Departamento di Impuesto (DIMP). E reunion aki ta marca e inicio di un dialogo structural y sostenibel riba e temanan crucial pa nos sistema fiscal y maneho di ingreso pa pais Aruba.

"DIMP ta un organisacion profesional cu empleadonan publico capaz y determina pa eherce nan trabou cu honor y consenshi. Mi tin pleno confianza den nan capacidad y ta 'look forward' pa traha cu nan den e Gabinete di AVP-Futuro." - Minister Geoffrey Wever.

#GeoffreyWever





Parlamento di Aruba
Fraccion Movimiento Electoral di Pueblo

In aanvulling op mijn reeds aan u gestelde vragen d.d. 9 april 2025, over aantijgingen richting de belastingdienst, doe ik u de volgende vragen toekomen.

Op uw sociale mediapagina (bijlage 1) heb ik vernomen dat u van oordeel bent dat u volledig vertrouwen heeft in de DIMP als organisatie en haar medewerkers. Ook geeft u aan dat de organisatie uit professionele medewerkers bestaat die hun werk naar eer en geweten verrichten.

1. Neemt u afstand van de aantijgingen van dhr. de Meza tegen de directrice van de DIMP en de medewerkers van de DIMP? (Gaarne deze vraag te beantwoorden met Ja of Nee)
2. Kunt u uw antwoord op vraag 1 toelichten?
3. Neemt u afstand van aantijgingen, zoals gedaan door meerdere AVP-kandidaten, tegen de DIMP?
4. Gelooft u dat er politieke inmenging is binnen de belastingdienst, over de screening van dhr. de Meza?
5. Gelooft u dat de DIMP als organisatie en de directrice als persoon staan voor een integer screeningproces?

En espera riba Minister su contestacion, mi ta termina cu un saludo cordial.

Atentamente,

Rocco Tjon
Parlamentario Fraccion MEP

contestanan riba nos pregunta mas liher posibel, pa asina por trece claridad riba e situacion grave aki. Esaki sigur ta crea discordia,

desconfiansa y no ta contribui en lo absoluto na un gobierno stabil y mucho menos na bon gobernacion!

AVP-FUTURO A ENTREGA AEROPUERTO NA SCHIPHOL: DIRECTOR DI EXTERIOR CU SALARIO NA DOLLARS

E firmamento di un acuerdo nobo entre e gobierno nobo di AVP y Schiphol Group pa maneho di Aeropuerto Reina Beatrix, ta un decision cu ta lanta hopi pregunta y ta trece dolor pa hopi hende cu a spera un rumbo diferente pa nos pais.

Gobierno antetior a traha duro pa duna mas poder, preparacion y trabao digno na nos mes yiunan di tera na aeropuerto. A yega e tempo pa nos por keda cu e maneho y pa nos hobennan por mira un futuro cla den un sector tan importante manera aviacion.

Pero cu e acuerdo nobo

aki, bo por wak claramente cu nos a dal un paso atras. Schiphol Group no solamente ta haña control riba e operacion di aeropuerto, pero tambe lo por nombra un director di exterior, un decision cu ta pone duda riba e capacidad y e confiansa den nos mes hendenan. E director aki lo haña un excepcion pa por cobra un salario mucho mas halto cu loke normalmente ta permiti, mientras cu e Arubiano lo no haya e privilegio aki.

Ademas di esaki, Schiphol no ta contento cu solamente maneho: nan

a logra y tambe un stoel den e Raad van Bestuur di aeropuerto. Kico ta keda pa Aruba? Mientras cu un empresa di for di nos isla ta haya ganashi, poder di decision, y salario astronomico, nos pueblo mester “par wak” con nan ta ranca nos ganashi hiba pa nan.

E acuerdo nobo no ta solamente un decision tecnico; e ta un refleho di e tipo di futuro cu nos kier. Un futuro den man di companianan grandi di Hulanda, of un futuro cu ta trese preparacion, liderasgo y progreso pa



nos mes hendenan? Laga nos wak e momento aki pa loke e realmente ta: un momento di reflexion, un señal cu nos mester

keda wak dilanti y sigui lucha pa un Aruba cu ta berdaderamente di nos. Solo di Pueblo ta sigui wak e desaroyo aki serca.

PLANIA BO CITA PA SERVICIO DI SEGURO NA ARUBA BANK VIA EAPPOINTMENT!


ranjestad – 11 di april, 2025 – Aruba Bank ta informa su clientenan cu tur bishita na nos Departamento di Seguro mester wordo plania via nos sistema di eAppointment.

E sistema ta facil y rapido, y ta yuda pa bo por ricibi un servicio personal, sin warda.

Con pa plania bo cita:

1. Bishita nos na : arubabank.com/eAppointment
2. Scoge escoge e servicio di seguro
3. Scoge un tempo y confirma

Pa mas informacion y of asistencia pa uza nos servicio di seguro por tuma contacto cu nos Contact Center via WhatsApp: 527-7777.



**CAMBIA PERSPECTIVA
TOCANTE OBESIDAD:
SA BO NUMBER Y MIDI
BO PESO**



Minister Wever ta felicita Sra. Esther Emerencia-Gomes

DIRECTOR NOBO PA POST ARUBA N.V.



Minister di Finansa, Asunto Economico y Sector Primario, Geoffrey Wever, ta felicita y gradici Sra. Esther Gomez cu su nombracion como director nobo di Post Aruba N.V. Diahuebs mainta, den presencia di minister Wever, Raad van Commissarissen, empleadonan y demas stakeholdernan, a firma un acuerdo laboral cu Sra. Emerencia-Gomes.

Post Aruba N.V. a enfrenta reto significativo durante hopi aña, tanto den e ambito financiero como operacional. E empresa tabata den necesidad di reorganizacion pa bira mas stabil, competitivo y sostenibel den un

mundo di comunicacion cu ta cambia rapidamente. Na nivel global, e industria di post ta den transicion continuo y Aruba no ta un excepcion.

Den aña 2024, como parti di un proceso di reorganizacion, a apunta un Raad van Commissarissen nobo y despues Sra. Esther Emerencia-Gomes hunto cu Sr. Ramoncito Croes a wordo instala como e directornan suplente. Nan tabata encarga cu carga e transicion di Post Aruba pa un rumbo nobo.

Durante su presentacion, Minister Wever a destaca cu e ultimo lunanan tabata tin señal positivo. Despues di 12 aña, Post Aruba N.V.

y sindicato SEPPA a logra yega na un acuerdo colectivo nobo (CAO), un paso esencial pa crea estabilidad laboral; un paso di progreso necesario pa por sigui mehora servicio di e compania.

"Mi ta contento cu poco poco, despues di hopi esfuerzo, nos ta mira paso concreto den direccion correcto. Sra. Emerencia-Gomes ta hiba un experiencia amplio, un liderazgo firme y alabes husto, y un deseo pa traha pa un Post Aruba N.V. cu ta resiliente y moderno. Masha pabien y hopi exito cu e trabounan bo tin bo dilanti," Minister Wever a expresa. Tambe e mandatario ta gradici e Raad van Commissarissen pa nan trabou ehemplar y diligente encamina pa yega na e logro aki.

Minister Geoffrey Wever lo

sigui traha cerca cu Post Aruba N.V. y su directiva pa apoya e transformacion necesario, pa nan por transiciona pa un modelo comercial mas fuerte, efectivo y orienta riba e necesidad real di comunidad Arubiano.

Clasificados

SOLODIPUEBLO@GMAIL.COM

CEL.585 9500

Minister Arthur Dowers: COMPROMISO FIRME PA MEHORA FUNCIONALIDAD DI GUARDA NOS COSTA

Minister di Husticia mr. drs. Arthur Dowers a realisa un bishita di cortesía na Guarda Nos Costa (GNC) cu e proposito pa haya un impresion real di e situacion actual y tene un combersacion directo cu e personal. E bishita a duna un bista preocupante pa e minister, mirando cu den pasado a pone fondo disponibel pa mehoracion di e facilidadnan.

Durante e combersacion cu empleadonan, Minister Dowers a deduci cu e condicion actual di e facilidad ta lamentablemente deficiente. E baraknan no tin e capacidad ni e comodidad necesario pa acomoda e cantidad di trahadonan den un manera digno. Esaki a crea un ambiente cu ta resulta den demotivacion y cu hopi empleado ta considera pa bandona e institucion, cu peticion formal pa overplaatsing ya entrega.

Minister Dowers a pidi e grupo aki pa warda un poco mientras e ta busca manera pa trece solucion duradero pa Guarda Nos Costa. E mandatario a enfatisa cu su proposito no ta solamente pa resolve e desafionan a corto plaso, pero tambe pa duna contenido mas amplio y duradero na e rol di Guarda Nos Costa den nos sistema di husticia.

Un parti esencial di esaki lo ta inclui un dialogo continuo cu e empleado y management di GNC, payegana un solucion structural cu ta beneficia tanto e personal como esnan den detencion temporal, pendiente nan deportacion. Minister Dowers a indica cu mester evalua cu seriedad e peticionnan di overplaatsing y mira si esaki ta factibel y responsabel den marco di e direccion nobo cu e ministerio kier tuma.



Un otro aspecto importante ta e uzo di e facilidad di GNC banda di Brandweer na Aeropuerto. Minister a lamenta cu e facilidad, cu a representa un inversion cuantioso pa medio di e fondonan di FDA ya no ta sirbi su proposito original di maneho humano y eficiente di esnan cu status ilegal. “Un di e puntonan di salida tabata crea un espacio na aire liber pa e detenidonan, sin trata nan manera preso. Awor, e espacionan a bira oficina, y esaki no tabata e proposito original,” Minister Dowers a expresa. Tin posibilidad pa reconverti e facilidad den su estado original, pero lo tuma tempo y costa placa.

Minister Dowers tambe a referi na un otro desafio: e aumento drastico di peticionnan pa asilo politico. Segun e mandatario, esaki ta consecuencia directo di promesanan politico irresponsabel, den cual un ex Minister a compromete asilo politico na tur Venezolano cu yega Aruba. E promesa sin base ta crea presion no sostenibel riba nos sistema di husticia y ta resultando den gasto innecesario di dwangsom y sobrecarga di e institucionnan



relevante. Minister Dowers ta compromete pa tuma paso concreto, den colaboracion cu e instancianan relevante, pa duna direccion, respet y trece eficiencia na e institucion esencial cu ta Guarda Nos Costa.

“Un di e puntonan di salida hopi importante e tempo ey ta cu bo no ta tene e detenidonan den un cel. A crea un espacio den aire liber na unda e detenidonan por a pasa gran parti di nan dia pa recreo y esaki mientrastanto tambe a bira oficina”. Si acaso opta pa converti e facilidad aki bek den un facilidad cu e proposito original, esaki lo

tuma tempo y costa placa.

E mandatario a duna di conoce cu durante di e ultimo añanan, e cantidad di peticion pa asilo politico a aumenta drasticamente, y ta recorda con un ex minister a priminti di duna asilo politico na tur Venezolano cu yega Aruba. E aumento aki ta a consecuencia di e promesa politico irresponsabel di e ex-minister y awo tur instancia den e cadena di husticia ta man yen. Mester bay frena esaki pa reduci e gastonan di dwangsom cu tin cu paga y alivia e peso riba e departamentonan di husticia.

AVANCE DEN NEGOCIACION CU ROYAL SCHIPHOL GROUP:

MoU ta pone base pa un cooperacion sostenibel pa reforsa Aeropuerto Internacional Reina Beatrix



Oranjestad, 10 di april 2025 – Gobierno di Aruba a logra awe un paso importante den e cooperacion cu Royal Schiphol Group (RSG) cu firma di un Memorandum of Understanding (MoU) cu ta habri caminda pa continua y fortalece e alianza strategico entre Aruba Airport Authority N.V. (AAA) y Royal Schiphol International B.V.

E MoU aki ta pone fin na un situacion di impasse cu a surgi durante e gobierno anterior y ta representa un paso crucial pa desaroyo sostenibel

di e infraestructura di nos aeropuerto, fortalece nos turismo y crecimiento economico pa Aruba. Cu e acuerdo aki, ambos partido ta subraya nan compromiso y creencia den e importancia fundamental di e cooperacion entre AAA y RSG pa e bienestar general di Aruba. Acuerdo importante den e MoU aki ta inclui:

- Compromiso conhunto pa “good corporate governance” y desaroyo di talento local Arubano via e oportunidadnan di training den cooperacion cu Schiphol Academy,



incluyendo entrenamiento brinda na Aruba mes pa medio di Schiphol Academy;

- Intencion di Gobierno di Aruba pa otorga un exoneracion via decreto (landsbesluit) pa e normanan salarial di CEO y demas ehecutivo di AAA N.V.;

- E posibilidad pa Schiphol por propone un miembro den Hunto di Comisario (Raad van Commissarissen) di AAA;
- Sosten activo di gobierno den negociacion entre AAA y Schiphol tocante e renovacion di e acuerdo strategico di cooperacion. Minister-president Mike Eman a expresa su satisfaccion cu e firma: “E MOU aki no ta solamente un renovacion di confianza, sino tambe un paso importantisimo cu ta duna nos e oportunidad pa mira dilanti. Nos a kibra e impasse y awe nos

ta pone e fundamentonan pa un cooperacion mas fuerte den beneficio di e interes general di Aruba, mientras cu nos resalta e oportunidadnan di cooperacion den nos reino.”

E MoU a ser firma pa

Minister-President di Aruba, Mike Eman, Minister di Turismo Wendrick Cicilia, Minister di Finanza y Asunto Economico Geoffrey Wever y director di Schiphol International B.V., Kjell Kloosterziel.

Paga bo cuenta online ta facil

Sea
Abonnement
of Aviso



Pa hasi pago online pone number y adres na
cuenta di banco RBC Sunmax Printing
account # 7700000100152447

Minister di Husticia Arthur Dowers a haya presentacion amplio na Departamento di Recurso Humano



Diamars 8 di april, bishita Departamento di Minister di Husticia, mr. Recurso Humano (DRH) drs. Arthur Dowers, a como minister encarga

cu e departamento. Durante e bishita, Minister Dowers a ricibi un presentacion amplio tocante e tareanan cu DRH ta realiza y e resultado cu nan a logra.

compara cu hopi otro importante cu ta ofrece departamento y ta haya na e empleadonan cu por amplia e servicio publico.

Minister Dowers ta expresa su satisfaccion pa wak un departamento di gobierno cu ta bon structura, cu personal suficiente y motiva, cu tur cos na ordo y bon documenta. Segun e minister, esaki ta pone DRH den un posicion ehemplar, specialmente



Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - April 11, 2025		
CATOLICHI Sorteo # 4591 1650 9270 6654 MULTI-X FP BIG 4 Sorteo # 4591 0288 MULTI-X X3 1OFF Sorteo # 2647 2353 ZODIAC Sorteo # 4591 2093 Capricornio LUCKY 3 Sorteo # 1465 434 MULTI-X X2	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 300.000,- LOTTO DIA Sorteo # 0 x Jackpot 0 x Match 4 0 x Afl. 8,00 53.000,- MINI MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 365.000,- MEGA Afl. 550.000,- KORSOU Sorteo # 	Joker Letter Proximo Jackpot 300.000,- Proximo Jackpot 53.000,- Mega Ball Proximo Jackpot 365.000,- Afl. 550.000,-

Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - April 11, 2025		
CATOLICHI Sorteo # 8519 5614 4168 5489 MULTI-X X2 BIG 4 Sorteo # 7563 0672 MULTI-X X5 1OFF Sorteo # 2268 2166 ZODIAC Sorteo # 6322 8530 Aries LUCKY 3 Sorteo # 1252 834 MULTI-X X2	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 300.000,- LOTTO DIA Sorteo # 6796 0 x Jackpot 2 x Match 4 130 x Afl. 8,00 01-03-08-22-26 Proximo Jackpot 53.000,- MINI MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 365.000,- MEGA Afl. 550.000,- KORSOU Sorteo # 	Joker Letter Proximo Jackpot 300.000,- Proximo Jackpot 53.000,- Mega Ball Proximo Jackpot 365.000,- Afl. 550.000,-

BATAYA 4x4 DEN DOMINO TA CUMINSA DIASABRA!

Calabas/Kudawecha - Diasabra 12 di april awor lo cuminsa un tremendo sambombaso di domino aya n'e palacio di pega piedra net n'e grens entre Calabas y Kudawecha, nada menos cu e mundialmente famoso Domino Square Garden! Cuatro team lo enfrenta otro den estilo di knockout pa wak ken na final lo corona su mes campeon den e 4x4 torneo aki. Nada menos cu Biba Lekker DT, Sero Blanco DT, Pluma Gang DT, y Red Stone DT lo bay enfrenta otro den un challenge super interesante!

Diasabra awor, 12 di april, cuminsando pa 8'or di anochi, lo ta bay tin e prome bataya cu ta entre Biba Lekker DT y Sero Blanco DT.

E ganado lo sigui pe gran final dia 3 di mei. Dia 26 di april lo ta bay tin e di dos encuentro caminda Pluma Gang DT lo enfrenta e "beruchte" ekipo Red Stone, e unico ekipo cu Inteligencia Artificial cu ta uza WIFI pa manda seña!

E bataya aki tambe lo cuminsa exactamente 8'or aya n'e famoso Domino Square Garden. Aki lo determina e otro finalista cu lo clasifica pa bay e gran final diasabra 3 di mei proximo.

Ken lo clasifica? Cua ekipo keda bati pecho resto di aña como campeon? Shonnan, manera semper na Domino Square Garden, esaki ta priminti di ta otro sambombaso



BIBA LEKKER DT



SERO BLANCO DT



PLUMA GANG DT



RED STONE



CHALLENGE!

**BIBA LEKKER
SERO BLANCO
PLUMA GANG
RED STONE**

**12, 26 APRIL
3 DI MEI
DOMINO SQUARE GARDEN**

espectacular.

Manera semper, entrada ta gratis pa pueblo en general y durante halftime

semper e snacknan lo lora manera pan cayente completamente por nada p'e fanaticada presente! Den "wandelgangen" tin

papia cu drinks y snacks lo lora extra e biaha aki ya cu tin "externe hulp" den wega! Asina ta, fanaticada di "cutting

edge domino" yega dia 12 di april awo p'e prome encuentro dje torneo 4x4 entre Biba Lekker DT y Sero Blanco DT! Yegaaa!

Otmar Oduber di PPA

E FORMA ANTI DEMOCRATICO Y INCONSTITUCIONAL CU KIER SILENCIA FRACCION DI PPA DEN PARLAMENTO NO LO DUNA RESULTADO

Manera nos tur sa den parlamento a keda trata un reunion cera pa parlamento duna autorisacion riba e echo cu si un parlamentario ta sospechoso cu e por biaha como delegacion y representa Aruba den exterior. Lider di partido PPA Otmar Oduber ta duna di conoce cu e reunion cu a tuma lug a un reunion di hipocrecia unda cu kier silenciar un miembro di parlamento cu ta bastante vocal den e ultimo temponan den parlamento.

Lider di PPA ta haya e reunion uno di hypocrieta paso netamente partido AVP na 2019 na momento cu ta trata di un berdadero sospecho den partido AVP unda cu AVP a vota contra di e ley aki unda cu ta limita un parlamentario pa haci su trabou den exterior. Sinembargo e mes un AVP cu a vota e tempo ey contra pa nan miembro di AVP cu si tabata sospechoso oficial. Pa lider di fraccion PPA e acto aki ta muestra e inmadurez politico cu tin ainda den parlamento y un muestra di hipocresia unda cu a vota pa stroba cu fraccion di PPA por haci trabounan den exterior unda cu comosifuera lo por limita fraccion di PPA y por cera boca di su persona como parlamentario riba tur e trabaonan cu ta bin ta haciendo como fraccion di PPA.

Entre e miembro di parlamento Benny Sevinger y lider di fraccion di PPA Otmar Oduber tin un diferencia di ta sospechoso. Awe Otmar Oduber ta sospechoso

debi cu ministerio publico a bay apela un caso caminda cu hues den un forma categorico y hasta den un herstel vonnis cu ta un coreccion cu a wordo haci a confirma cu su persona por ta den parlamento y por participa den un eleccion como politico, contrario na otro politiconan cu si tin un condena riba nan cabes.

E rason dicon parlamento ta colga na dje awe y a vota contra pa fraccion di PPA por participa den reunionnan den exterior ta paso ministerio publico a bay apela na algo cu nan a perde unda nan no a logra di saca Otmar Oduber di parlamento y tampoco pa por postula su mes riba lista pa bay un eleccion. Asina mes parlamento a para riba e punto di sospechoso cual ta un hipocresia.

Sinembargo si mester tuma nota cu presencia di Parlamentario Mike de Meza y Parlamentario Stephany Sevinger no ta den parlamento kisas paso nan no lo kier forma parti di e hipocresia aki di partido AVP. AVP na 2019 si a vota contra riba e acto antidemocratico constitucional aki, pero awe si AVP a bay di acuerdo paso kier trata di cera e boca di Fraccion di PPA.

Pa loke ta trata Fraccion FUTURO, lider di PPA Otmar Oduber no tin speransa mas den FUTURO unda cu nan ta propaganda un politica nobo unda cu hasta 10 dia pasa un di e lider nan di e partido di dos cabes Geoffrey Wever den un reunion ta expresa cu fraccion FUTURO ta



considera loke a tuma lug a na 2019 cu ta stroba un parlamentario di haci su trabou ta un manera anticonstitucional, asina e di dos lider di partido FUTURO Geoffrey Wever a bisa.

Tambe a ser bisa cu fraccion di FUTURO no lo sostiene esaki, paso ta considera cu esaki nunca no mester a tuma lug a den pasado y awe tres miembro di fraccion di FUTURO cu no ta ni yega 500 vota kier para un miembro di parlamento cu tin casi 2500 voto cu ta representa pueblo pa haci un biahe pa aña pa asina fraccion di PPA por vocifera su pensamiento.

Na mes momento por tuma nota cu tin un otro parlamentario sinta den fraccion di MEP cu a keda baha como minister pa desconfiansa unda cu posiblemente lo tabatin malversacion cu tabatin den un departamento di dje pero ta sinta awe den parlamento y cu si por

biaha y haci trabounan den exterior como delegacion di parlamento.

Lider di fraccion PPA Otmar Oduber ta kere cu pueblo ta mira tur loke ta pasando y pueblo lo husga pa su mes di kico ta e cara berdadero di e parlamentarionan cu tin actualmente den parlamento ta refleha y e trabounan cu nan ta haci pa e comunidad di Aruba. Segun lider di fraccion di PPA, Otmar Oduber no tin mester di un biaha pa aña pa IPKO na Hulanda pa e por vocifera cu e Hulandesnan loke ta e pensamiento nan di PPA. Mes un cos cu tin IPKO na Hulanda lo ta bay tin IPKO

na Aruba tambe, pero loke cu mester ta sigur ta cu e politiconan Hulandes no ta bay keda sin scucha e mensahe cu fraccion di PPA tin.

Loke cu pueblo di Aruba mester ta wowo habri riba dje y cuestiona riba henter movecion cu gobierno di AVP –FUTURO kier hinca Aruba aden unda cu e pregunta di oro ta si nos lo keda “baas den nos mes cas” despues cu firma e Rijkswet aki”? Un lucha hiba pa tanto Henny Eman biew y Shon A Eman, welo y tata di Mike Eman, foi añanan 30-40 caba. Of manera Betico Croes a yega di bisa “materialismo lo vence idealismo”?

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

PAP

Memoria Ancestral a ricibi un caluroso recepcion na Curaçao International Film Festival

Curaçao, 11 April, 2025 – Memoria Ancestral, e potente documentario Arubiano explorando e herencia di sclavitud y colonialismo, tabatin su estreno oficial ayera nochi na Curaçao International Film Festival, ricibiendo un respuesta positivo di e publico durante su proyeccion y sesion di pregunta y contesta despues di e pelicula.

E pelicula a wordo presenta como parti di e programa Caribbean Focus 4, cu tabata centra riba e tema di identidad. E vitrina tematiko aki a conta cu cuater pelicula di e region, unda cu cada un tawata tin nan conexon cultural y historico.

Cas di Cultura su Director Vicky Arens y Head of Programming Lotte van den Heuvel actualmente ta asistiendo na e festival na Curaçao y tabata presente pa e estreno.

Na encargo di Cas di Cultura y crea pa Natusha Croes, Layzima Emerencia, y Darwin Winklaar, Memoria Ancestral ta un produccion multidisciplinario traha den colaboracion cu academiconan, institucionnan, y expertonan di experiencia di Aruba. E ta rebishita e sclavitud Afro-Indigena y influencianan colonial profundamente ankra den pasado di Aruba.

E inclusion di e documental den e festival prestigioso aki, cu ta tuma lug a di 9–13 di April 2025, ta un momentu di orguyo no solamente pa e creadornan y e comunidad di Aruba pero tambe pa e region di Caribe mas amplio segun cu e ta sigui comparti su historia complejo y rico cu mundo.

Memoria Ancestral a bira



posibel door di sosten di Mondriaan Fonds y DNB Fonds Caribisch Deel.

EN PRESS RELEASE

Memoria Ancestral Receives Warm Reception at Curaçao International Film Festival

Curaçao, 11 April 2025 – Memoria Ancestral, the powerful Aruban documentary exploring the legacy of slavery and colonialism, had its official festival premiere last night at the Curaçao International Film Festival, receiving an overwhelmingly positive response from the audience during its screening and post-film Q&A session.

The film was presented as part of the Caribbean Focus 4 program, which centered on the theme of identity.

This thematic showcase featured four films from the region, each weaving together stories with intersecting or shared elements, highlighting the deep cultural and historical connections across the Caribbean. Cas di Cultura's Director Vicky Arens and

Head of Programming Lotte van den Heuvel are currently attending the festival in Curaçao and were present for the premiere.

Commissioned by Cas di Cultura and created by Natusha Croes, Layzima Emerencia, and Darwin Winklaar, Memoria Ancestral is a multidisciplinary production made in collaboration with Aruban scholars, institutions, and experience experts. It revisits the Afro-Indigenous enslavement and colonial influences deeply rooted in Aruba's past.

The documentary's inclusion in this prestigious festival, running from April 9–13, 2025, is a moment of pride not only for the creators and the Aruban community but also for the broader Caribbean region as it continues to share its complex and rich history with the world.

Memoria Ancestral was made possible by the support of Mondriaan Fonds and DNB Fonds Caribisch Deel.

SUDOKU

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		

FORTALEZA PA FAMILIA

Scirbi pa Pastor Marcel Balootje

GENEROSO Y BONDADOSO ESEY TA LOCUAL DIOS KIER PA NOS TA

Ta para scirbi den Mateo 25:34 en adelante ;
Anto e Rey lo bisa esnan na Su man drechi: Bin boso cu ta bendiciona di Mi Tata, hereda e reino cu ta prepara pa boso desde e fundacion di mundo.

Pasobra mi tabatin hamber y boso a dunami di come.

Mi tabata tin sed y boso a dunami di bebe,

Mi tabata un stranhero y boso a duna Mi posada.

Mi tabata sunu y boso a bisti Mi.

Mi tabata den prison y boso a bin cerca Mi.

E ora ey e hustonan lo contest'E.bisando , Senjor ki dia nos a mira Bo cu hamber,y nos a duna Bo di come, of cu sed, y nos a duna Bo di bebe.

Y ki dia nos a mira Bo como estranhero y nos a duna Bo posada.
Of sunu y nos a bisti Bo.

Of ki dia nos a mira Bo malo of den prison y nos a bin cerca Bo.

Y e Rey lo contesta y bisa nan, di Berdad Mi ta bisa boso, tur loke boso a haci pa esnan di mas chikito,di e rumannan aki di Mi, ta pa mi boso a hacie.

Mateo 25:45-46 : E ora ey E lo contesta nan bisando: Di berdad mi ta bisa boso,tur loke boso a keda sin haci pa un di esnan di mas chikito aki, ta pa Mi boso a keda sin hacie. Y esaki nan lo bay den castigo eterno , ma e hustonan den bida eterno.

Proverbionan 19:17 ta bisa: esun cu ta tene misericordia di un hende pover ta fia Senjor.

Nos ta mirando con mundo ta cambiando, cu ya hende no tin cuenta cu hende mas, pasobra esnan cu tin hopi ta lubida riba esnan cu no tin, y nan man ta bira duro pa comparti, locual cu nan tin cu esnan cu no tin.

Tin hopi pais cu tin hopi cuminda, pero cuminda ta wordo tira afo pa e preis no baha, y asina e pover por come.

Cuminda ta wordo dera bao di tera, mientras cu e mucha pover cu hamber , ta wak sin por pone algo na su boca.

Tin cosechanan grandi ta tuma lugar, pero esnan cu ta den necesidad ta wordo lubida.

Pero tambe e enemigo ta yena hende cu orguyo, pa nan no pidi, pensando cu asina nan ta demostra cu nan ta fuerte. Hopi biaha tin hende ta pasa necesidad, y te ora nan bira malo, hende ta sa kico ta pasando, pero nan tabatin tur e tempo pa bisa locual nan ta pasando aden.

Esun cu ta sera su horea pa sclamashon di e pover,e tambe lo sclama, ma lo no wordo contesta.(

Proverbionan 21:13).

Sea carinoso cu otro, misericordioso, pordonando otro mescos cu Dios den Cristo a pordona boso.(Efesionan 4:32).

Locual Dios kier pa nos haci ta , pa parti nos pan cu esun cu ta den necesidad, duna na esnan cu ta pidi, pasobra dia pa dia pobresa ta aumenta riba e mundo aki.

Y esun cu tin no mester sera wowo pa esun cu no

tin, tampoco wanta su man, y bisa su ruman , pa e bini mayan cu Dios kier,mientras cu e tin awe na abundancia pa duna.

Si un hende pidi bo un pida pan ta pasobra e tin hamber, y si bo por alcanza na duna, por fabor dune un pida pan , pasobra Dios ta mira tur cos, y e lo bendiciona bo ricamente, pasobra ora nos yuda un hende den necesidad, nos ta cumpli cu boluntad di Dios.

Oracion di dia

Un feliz dia yena di hopi fe y speransa den nos bon Dios

"...sino conta e generacion venidero: esta gloria di Señor, su poder, ye cosnan milagroso c'El a haci." (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. "...pa nan tambe confia denSEÑOR, no lubida Dios su obranan grandi..."(Sal 78, 7)
Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.

Amen.



ACF ta Sigui Inverti den Mantencion y Mehoration di Parke Nacional Arikok

Esaki ta forma parti di ACF su plan strategico pa mantene Parke Nacional Arikok den un estado optimal pa naturalesa y pa bishitantenan

ORANJESTAD, ARUBA – 11 APRIL 2025 – Aruba Conservation Foundation (ACF) como un organisacion independiente di maneho di conservacion y como e fundacion cu ta maneha entre otro e area protegi di Parke Nacional Arikok ta comparti un update di trabounan di mantencion y mehoracion andando. Como parti di ACF su strategia multi-anual, ta alocando fondonan hunto cu Aruba Tourism Authority (A.T.A.) y Tourism Product Enhancement Fund (TPEF) pa haci diferente inversionan cu ya caba ta tumando lugar pa mantene y mehora e experiencia di e empleadonan y bishitantenan na un manera responsabel, y asina mantene e facilidadnan den un estado optimal. E trabounan ta encera entre otro mantencion y mehoracion di e entrada di Vader Piet, e centro di bishitante na San Fuego, instalacion di borchin di regla y regulacion, mehoracion di diferente trapinan y mucho mas. E trabounan ta premira di finalisa na october 2025. E inversionnan ta encera lo siguiente:

Entrada na Vader Piet
Na e momento aki, e entrada cu ta localisa na Vader Piet ta mirando trabounan di mehoracion tumando lugar pa asina eleva e experiencia di e bishitante pero tambe e empleadonan. E entrada y booth di control na Vader Piet ta data di 2010, caminda a haci esaki un entrada permanente pa Parke Nacional Arikok via San Nicolas. E trabou di mehoracion ta inclui expansion di e booth di control pa inclui lugar mas amplio pa e empleadonan por eherce nan trabou diario, pero

tambe convirtiendo e entrada den un lugar mas atractivo y informativo pa bishitantenan cu ta drenta Parke Nacional Arikok via San Nicolas. E trabou di mehoracion tambe ta inclui un creacion di baño publico pa bishitantenan cu ta accesibel pa personanan den rolstoel y tambe a pone klinkers rond di e booth di control pa asina baha e molester di stof tanto pa e bishitante como empleadonan. Pronto lo añadi mata y palonan nativo den e area y asina por haci e entrada uno mas agradabel. E diseño nobo ta desplega e colornan primario di ACF su identidad visual cu ta inspira pa colornan di Aruba su naturalesa. E proyecto aki ta wordo financia pa Aruba Conservation Foundation. Borchinan di regla y regulacion
ACF a cuminsa cu e ehercicio di instala borchinan nobo di regla y regulacion pa asina sigura un bishita mas responsabel y sigur den Parke Nacional Arikok. E borchinan ta un componente cu ta ancla den ley pa asina informa e bishitantenan di e regla y regulacion ora di bishita un area protegi. E borchinan a wordo instala na puntonan di entrada di Parke Nacional Arikok y tambe na puntonan di exploracion, manera Cueba di Quadirikiri, Conchi, Boca Prins y otro localidadnan. E borchinan nobo aki ta bini cu un set completo mehora di regla, regulacion, leynan, y otro mensahenan importante di con pa disfruta di naturalesa na un manera mas responsabel. Na mes momento, a cuminsa instala borchinan nobo pafo di Parke Nacional Arikok pa asina indica cu

regla y regulacion unda e areanan protegi na Aruba ta localisa y kico por of no por haci den e areanan akinan. Esakinan ta wordo instala na lugarnan manera Saliña Cerca, Saliña Malmok, Saliña Palm Beach, Spaans Lagoen etc. En total, 70 borchin lo wordo instala pafo di Parke Nacional Arikok di cual 27 ya caba ta na nan lugar. Borchinan nobo di direccion, paden y pafo di Parke Nacional Arikok, ta den desaroyo y lo bini pronto pa guia bishitantenan den Parke Nacional Arikok na un manera responsabel, sea cu vehiculo of na pia. E proyecto aki ta posibel danki na fondonan aloca door di Aruba Tourism Authority y Aruba Conservation Foundation. **Mehora Accesibilidad y Seguridad**
Pa mehora accesibilidad y seguridad di bishitantenan di Parke Nacional Arikok, lo inverti den mehora diferente trapi y railing den e area protegi. Actualmente, ta finalizando instalacion di un railing nobo na Fuente y pa despues cuminsa na mehora e trapi y afdaknan na Conchi. Esaki ta pa asina e bishitantenan por bishita e area na e manera mas sigur posibel y cu tambe nan ta keda riba e berea indica. Esaki ta importante pa asina maneha e impacto di cada un bishitante riba naturalesa. E ultimo fase di e proyecto aki ta encera mehoracion di e trapi na Dos Playa, Boca Prins, y e cueba di Quadirikiri. E proyecto aki ta wordo financia danki na Aruba Tourism Authority y Tourism Product Enhancement Fund. E proyecto aki lo finalisa den october 2025. **Introduccion di Conservation Cafe y Concept Store**



Como parti di ACF su plan strategico di transiciona na experiencianan den naturalesa sostenibel, ACF lo introduci cafenan tematico y sostenibel cu ta integra mensahenan di conservacion di naturalesa den un cafe. Trabou di construccion y renobacion di e prome conservation cafe na e Centro di Bishitante a cuminsa den april 2025 y ta premira di finalisa esaki na final di juli 2025.

E introduccion nobo aki lo mehora e experiencia di bishitantenan na Parke Nacional Arikok y lo ofrece un manera unico y creativo pa siña y conecta cu Aruba su naturalesa. Na mes momento, ACF ta trahando riba e introduccion di un 'concept store' cu ta similar na un tienda di mercancia cu lo ta localisa na e Centro di Bishitante na Parke

Nacional Arikok. E 'concept store' akinan lo conta cu diferente mercancianan cu ta esencial pa uso activo, educativo, y lifestyle den colaboracion cu diferente artesanonan local. E 'concept store' ta premira di keda cla pa augustus 2025. E proyecto aki ta wordo financia pa Aruba Conservation Foundation. E trabounan di mantencion y mehoracionnan akinan ta cuminsa den 2025 y lo continua den 2026. ACF asina aki ta sigura di ofrece mas balor na bishitantenan di Parke Nacional Arikok, su empleadonan y asina trambe contribui na conservacion di Aruba su naturalesa. Pa mas informacion por tuma contacto cu Aruba Conservation Foundation na info@acf.aw of por bishita paginanan social Facebook of Instagram.

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500